

江

西

詩

徵

江西詩徵卷八十六

南城曾煥賓谷編輯

名媛

鍾令嘉

令嘉字守箴晚號甘茶老人鉛山人贈君適園蔣
堅配以子士銓貴封安人有柴車倦遊集

臘日寄銓兒

北地寒威重憐伊客裏身音書差慰我貧賤莫驕人失路
皆由命安時卽報親師言當服習莫負誨諄諄

汝婦能承順無時離膝前居然兼子職久已得姑憐生育
宜佳氣平安似昔年傳聲語夫婿孤館減憂煎

汝妹依邱嫂幽窗共食眠穿針纔學繡識字不成篇閨訓
龔知聽童心未盡蠲歸期寧解卜時刻擲金錢

頻年思子泪前月抱孫纔憶汝孩提似原他祖德該啼聲
勞客試秀骨或天來歸日應過膝聞當笑口開

心情憐下第約畧似前番官道應扳柳家庭已樹萱恃才
防暗忌交友戒多言結習還當掃新詩莫詆寬

力學看駒隙從游汝得師遙分五秉粟足供十人炊汝友
昔相念肥甘數見貽呼吾如若母問慰過時時

僕婢愛菘韭同鋤半畝園門關饒歲月居僻遠塵喧夜火
機伊軋家人樂笑言眼昏今益甚書帙嬾重翻

夢爾天涯路肩輿往復頻師方爲講學客豈是依人駟馬

題橋志雙親屬望身而翁墳上草今已四回春

送銓兒赴禮闈

半生常在別離閒又整行衣厚着綿雙眼漸昏鍼線亂寸
心無着夢魂牽關河此去風霜遠骨肉何因聚散偏不用
登高望親舍金泥須早慰堂前

題自繡梅花詩圖

屈鐵孤梅莖古苔巡檐寒蕙凍難開分明一幅鷺溪絹繡
出詩人小像來

淚珠成串上殘絨十指寒香敵朔風驀地停鍼魂欲語梅
花如雪照房櫳

身後君無封禪書迴文老去底須摹他時留與兒孫看此

是安人繡字圖

自題歸舟安穩圖

館閣看兒十載陪
慮他福薄易生災
寒儒所得要知足
隨我扁舟歸去來

一艇平安幸已多
胸中原未有風波
團圓出又團圓返
兒頰鬚長母鬢皤

一生辛苦備三從
六十新叨

墨敕封得向青山
梳白髮此心閒處
便從容

書聲纔歇笑聲連
乞棗爭梨繞膝前
自笑老人多結習
課孫不及課兒專

三十隨夫四海遊
江山奇處每勾留
誰知老去清緣在
選

坐東南軟水舟

手植松楸翠幾尋故山歸去怯登臨白雲深處焚黃日可
慰梁鴻廡下心

四十歸田可閉門焚香省過苔

天恩三年後更添歡喜新婦爲婆子抱孫

黃鶴樓

誰見鶴飛去神仙不再過招魂才士盡遺韻酒人多文字
風猶霸江山氣不磨南朝資鎖鑰天險究如何

登太行山

絕磴馬蕭蕭羣峯氣力驕蒼雲橫上黨寒色滿中條返轍
河如帶攔車跡未遙龍門劃諸水禹力萬年昭

江西南詩徵

卷八十六 名媛二

五

金陵

難爲子孫守不是帝王居一片風流地千秋醉夢餘劫灰
塵久積金粉氣難除只有秦淮上笙歌六代如

越州

保邦憑智術存國仗陰謀吳越同歸盡胥蠡定孰優川巖
名郡別淳樸古風留可惜田疇少都人貴遠游

周氏

周氏安福人朱攀室

夢夫

月冷梅山照夜臺妾身未死已心灰十年地下無消息愁
絕西風刮耳來

蔣婉貞

婉貞字清映廣豐人蔣謙女

題一片石傳奇

百計思量泪眼空戰船催逼向江東酒樓夢裏分明聽斷
碣猶存矮屋中

數尺殘碑濕泪痕江邊人靜哭黃昏梨花二月城西路似
有靈旗掩墓門

豐碑四尺倚江濱細雨斜風墓草新謗語傳訛今始雪受
他貞魄拜詞人

唐在東

在東南昌人思州知府餘姚陳元側室

江表詩傳 卷八 十六
四
答陳太守見寄

一曲驪歌歌未已，征夫雨雪三千里。
三千里路未云遙，夢中同釣西江水。

莫兆椿

兆椿號蘭芳，江西人。適吳某，有蘭芳閣。淑性編。

渡錢唐江

澄江一碧烟光素，浪湧晴空衝曉霧。
海門倏忽午潮生，巖灘千里驚濤怒。
商船接跡何處來，滿目秋帆無恙布。
宦遊如水載輕舟，能平險阻舟如步。
墨池凝露筆成花，望澤人難更僕數。
移家泛宅此追隨，鼓柁憑君夕陽渡。

贈蘇世母金夫人

譜系彭城舊眉山壺籠新不綠門地貴早識性情真柳絮
吟風暖椒花筆露勻香閨遲驛使紙帳獨愁人

弋水波恬日銀城月上時一簾梅鶴影兩地樹雲思文墨
論交永天涯聚晤遲相期香草贈盥手復臨池

賦得春水綠波

春到池塘媚天開漱澗波鏡雲搖淺綠鱗縠縐輕羅霽色
烘流染漣文漾復拖漁粧窺鬢濕燕翦趁風和放鴨浮光
遠拔篋單影多新蒲明夕照清景更婆娑

登吳山贈淡菴道姑

探奇忽向最高峯客裏遊仙覓道蹤菊徑秋開金鎖鑰花
臺雲捧玉芙蓉地緣人傑新芝秀路隔天梯斷谷封物外

相逢真不易山深遙聽暮林鐘

題海棠小幅

也向三春立品偏將四瓣分姿自是佳人難賦林嫌工部
無詩

着紙幾添紅粉含毫數點烟光筆下春風何限憐他淡色
濃香

康瑤玉

瑤玉吉安人適李秀才清有梳雲閣集

客次

孤館蕭條客緒煩萬端心事與誰言同堂姊妹皆凋謝空
遣愁魂返故園

某氏

某氏江西人婺婦也能詩精青烏術康熙閒偕其弟游楚爲人相墓有奇驗詩不多見

寓楚清明祭夫作

荒郊極目墓雲低緩步行來失舊蹊縱使紙灰能作蝶應知飛不到江西

許權

權字宜娛江州人進士崔謨室

田婦行

椎髻饁田畝其夫耕且顧宇宙有至情聊以娛旦暮世有利名人棄之如陌路所以全倡隨甘心荆與布相繼荷耒

歸村燈照晚醕

贈外

君子安厥命真人息其機舉世笑君貧君貧不自知天地
兩大境溫飽與寒饑人不寒饑死定有溫飽時陰陽相倚
伏此理天不虧痛飲劉伶酒狂吟李白詩終日無塵事春
風任所之

夢天

招我以神仙之窟島嶼之墟乘我以丹鳳之輦赤龍之車
下踏五嶽俯清虛上摩日月走天衢回首人世真渺茫平
地一抹何蒼蒼雲山幾點海中央我欲棄之任翱翔忽聞
空中飄鼓吹綽約佳人御雲氣似曾相識碧落邊共赴瑤

池爲仙吏瑤池日敞宴初開星娥月姊歷歷來我時不見
虎尾豹齒之神人但須細嚼流霞酒一杯旋覺心清骨髓
酥汗透衾冷夢覺初孤枕孤鐙無聊劇西風淅淅響庭梧
雨晴
山路忽如洗幽禽語不休殘風收雨脚晚照破雲頭柳眼
猶含淚花心尙帶愁凭闌多感慨春色滿晴州

聽雨

細雨作淒其寒聞聽却宜隔窗心共冷欹枕淚同垂殘夢
剛醒後孤燈欲滅時誰能拋此夜留着領相思

夜坐遣懷

爲有羅衣掩却名感懷心緒怕深更柔風密竹敲難靜細

雨孤燈濕不明撥酒案頭書恨字
撥琴几上結愁聲蕭然
獨坐寒閨悄羨殺鄰姬解薄情

曉妝

烟籠曉日集窗紗紅粉樓中理鬢鴉
呵鏡淡雲成艷膜倚粧倩影動情芽
纖腰欲笑臨風柳香頰全欺
裏露花縱使春光生妒我一鈎簾幕若爲遮

早雁

懨懨病骨怕逢秋鎮日無言獨倚樓
何事塞鴻來恁早西風料峭一聲愁

七夕

七月七之夕家家望女牛
神仙不可見涼風何颼颼
我疑

天孫之巧轉近拙東西隔斷難飛越一年一度一分離千
古銀河響幽咽不須乞巧向天孫若賜巧來愁欲絕君不
見東家力田婦耕饑常相隨旦暮共苦藥白首不分離又
不見西鄰有才女夫婿上玉堂終年不相見悵望悲河梁
玉露無聲夜清悄盤中盼斷蛛絲遶不知巧思落誰家只
恐巧多人易老寄語人間痴女兒寧爲其拙毋爲巧

游瑜

瑜字輝璞臨川人南城陶栗亭太守室有集蓼山
房詩草

家外歲暮遠行率爾贈別

作客當冬盡蕭然離別輕風霜方滿目一劍獨長行杯酒

天涯意孤燈旅夜情硯田荒不得春月好歸晷

寒食

春到園林啟玉闈紛紛風雨落前溪鷓鴣聲裏懷歸客
繡戶停針聽馬蹄

寄弟婦慧初

握別期重見歸途百感生界山回首望獨聽一蟬鳴

七夕

天孫今夕渡銀河水落長橋月有波獨對藁砧三嘆息人
間不信別離多

繡枕

繡就鴛鴦枕停針看雁飛秋來消息好爲我寄征衣

寄弟婦

香飄桂蕊滿庭幽，月照姑山江水流。
回首繡樓今夜景，不知多少故園秋。

己巳秋月送外之洪都

又作洪州客，囊空更可虞。
眼中雙槩去，鏡裏一鸞孤。
露冷風聲細，天高月魄俱。
如何英俊彥，長是事征途。

偶吟

守分安貧樂自然，一經教子有遺編。
窻前月過籬邊菊，共爾清吟夜不眠。

歸寧不果寄貞女張四姊

暮雨觸愁多，離人可奈何。
更憐沙際雁，不向汝濱過。

春望

獨立徘徊四望空
無心雲散一天風
山前春草心先綠
水外時花影自紅

同梅大姑遊襟江別業

別業同來此再遊
春江春水到門幽
清明何處見歸雁
上巳明朝紛泛舟
日暮孤汀人望遠
天涯芳草我懷愁
倚欄曾記秋山好
花裏追陪憶往不

營盤山

山號營盤是古邱
將軍百戰一時休
路旁荒草殘碑臥
松柏蕭蕭繫馬牛

雨後月

怕聽黃昏雨。慵看新月輝。池邊芳草綠，猶恐未能歸。
娟娟如蛾眉。畫筆倩誰持。天上清虛府，何人始製詞。

庚午七夕聞雁

夜靜風來暑氣收。一聲歸雁過南樓。雙星今夕渡銀漢，
遍闌干看女牛。

中秋後三日答外

秋色平分月正明。已看仙挂折高岑。鹿鳴宴罷瓊林近，
雁南飛聽好音。

鉛山蔣心餘先生見余所作攻逸草疑爲家外捉刀
賦以感之。什家外持以示余。適汪姻姊石君書來詢
近况。因益其韻自嘲寄之。幸毋令人見也。

千古傳芳不藉詩
惟來名士有微詞
從今洗却簪花筆
賣與鬚眉去畫眉

無聊心緒幾篇詩
學步方知媿妙詞
此亦從來繫文運
可憐才子妬蛾眉

寂寞寒閨夜
泣身綠窻聊復耐
紛紜笑啼到處關
天性風雅何嘗必士人

大家炎漢女兒身
續史誰能步後塵
畢竟多才餘事也
輸他風烈勝男人

人生誰不怯無聞
婦職終能勝漆紛
敢謂反躬求四德
常慙孤負左將軍

能久虛名古未聞
枉將才德議紛紛
深閨縱有凌雲手
不

是當時娘子軍

壬申秋月答外

已近雲霄咫尺天

恩科真切任才賢荆釵足償泥金報準擬龍頭屬少年

夫子改用秋曹佐政余以將有京城數千里之行歸
寧言別夫子在詩見寄爰卽奉答俯仰今昔情見乎

詞

聚首人生樂自然十年燈火共陳編寒窻已是青雲客遮
莫離思夜雨懸

吟咏長懷不怨尤偶因悵別兩心愁偷光紡績年年事何
有何無黽勉求

婦職思勤不問寒每師桓少布夜寬知君亦記當年事憐
我辛勤較獨難

百姓昭明

帝德昭平章仰體重秋曹縱饒翰院誇詞賦議任還妨束

閣高

非屋非舟總是居征車早戒入

皇都行裝不備何須媿三世爲官俸少餘

夫子之先三世皆京秩惟兩叔

父外任縣令別駕亦僅有一椽不蔽風雨

多愁多病念慈闈今日歸寧悔太遲膝下遠將隨宦日承
歡端的讓男兒

吳氏

吳氏南城人分宜楊某之配楊早卒吳携子曰鯤
家南城課之讀書六經皆口授曰鯤成進士官刑
部主事吳就養京師數年卒有悟雪草堂詩鈔

寄懷弟吳文山

弟名晉勳廣
東澄邁知縣

冷過黃梅節庭花幾度剛艱難思弟妹迢遞望鄉關別味
濃於酒歸心繞若環麻姑山下路夜夜夢中還

握別經三載音書兩地疎祇緣多意緒不是少鴻魚願切
凌雲志心傷異土居天涯有老父安否近何如

憶自江干別銷魂歲暮時徧嘗作客苦誰念到家遲夜績
分鄰火停機撫睡兒年來貧且病何計慰離思

鏡中見窗外梔子花

粧臺曉起拂青銅，掩映水姿帶露空。
枝葉別栽塵土外，色香疑在有無中。
深憐幻影蜂難近，始信仙源路不通。
靈室何愁風雨妬，朱幡好護舊芳叢。

鈴江曉發

一葉扁舟穩似龕，蓬窗坐看水如藍。
宜陽舊說山無限，烟雨空濛剩二三。

大港口

行行疑路盡幽境，豁然開一水分南北。
千秋此去來斷橋，猶枕石破寺只荒苔。
日暮深崖裏猿吟幾度哀。

晚泊周家渡

半塘渡口夕陽斜，魚子星星哺浪花。
行過小橋三五里，竹

籬燈火見人家

周家渡曉發

二月春光上柳腰一堤紅盡失雙橋扁舟昨夜橫塘泊小
水新添尺五潮

仲夏雨窗卽事

濕雲帶雨暗簷牙薄絮還從葛外加繞徑漫分幽圃菊沸
鑪初試碧晶茶蠅貪墨瀝窺青管蜂困窗櫺鬚蜂沙小院
深扃人不到爐烟輕裊一絲斜

夫子之盱江肄業賦別

不敢牽衣泣恐傷白髮親寒雲隨去馬落日動征塵極目
烟波遠關心歲月新楚天回首處獨作未歸人

秋夜

繡罷閒無事，秋窗景寂然。
天高霜月小，夜靜冷風旋。
實理難窮際，虛名敢自專。
挑燈評漢志，俯仰愧前賢。
展卷忘更永，雞聲動四鄰。
孤燈寒共影，殘月冷窺人。
別淚征塵外，鄉思夜夢頻。
天涯音信杳，共說雁來賓。

夏日卽事

蔚藍天影薄，於綃夢裏家。
山覺後遙枕，納曉風蚊散市簾。
開初日燕來朝，悽情涼緒多。
方遣愁病詩魂一，概銷只有好花芟。
不得深陰新透，美人蕉。

九日懷遠兼憶文山

千里悲秋客，登樓倍愴神。
最憐今日酒，不醉去年人。
雲物

殊飄泊茱萸耐苦辛數行離別酒獨灑楚江濱

三月十七日憶亡女

痛汝歸何處蒼天不可呼傷心堦草色鬢髮認羅襦

壽嚴大姊四十

姊介谿人適防里歐陽氏

猛惜流光逝支離恨萬端深憐柔儒質受此雪霜寒囊底黃金盡懷中白璧完一燈長顧影中夜每三嘆

萍踪亦偶爾相愛轉相親結義爲姊妹交情豈路人浮雲看物態淡月想丰神願此杯中酒年年醉暮春

壽徐二姊四十

姊河南衛輝人適吾邑介谿嚴氏

兒媳殷勤笑舉觴今朝愛日喜初長承歡豈爲貧來減菡萏
舊花香進酒香

寂守空閨廿二年清宵課子讀遺編機聲夜和書聲永漏
盡燈殘雪後天

歷盡冰霜老翠顏柏舟低臥恨難剛湘江兩岸青青竹也
是愁人血染斑

生小朱門富貴家千金身分憶榮華如雲往事難回首鏡
破釵寒泣暮鴉

余家遠住建溪頭兩岸雲山是舊遊應記幼時行樂處雙

姑聳翠對粧樓

姊尊大人讓甫先生原
任吾鄉建昌府太守

多病多愁萬慮攻粧臺鸞鏡久塵封從今莫話傷心事淚
落輕衫損舊容

拜月詞

今昔天邊月悲歡遽不同昔時曾拜爾今日故愁儂
不種庭前樹惟貪月色多誰將山岳影顛倒作枝柯
欲砍月中枝縛作齊天帚夜夜掃輝光不使微雲垢

訓鯤兒

三年飲恨淚難乾任重於身豈忍安夜讀幾會星半落朝
眠每是日三竿順帆不肯先登岸逆棹徒勞急上灘我愧
古來賢聖母也將心苦和熊丸

安貧安命度朝昏往事傷情孰與論手把遺書課穉季心
期

鸞誥慰孤魂功名但得垂朝野田宅何須及子孫從此青
雲今有路魏舒不負外家恩

男兒意氣溢塵寰面壁功成萬慮剛拈韻吟詩能永日讀
書鍵戶卽深山寸心得失爭前定名教綱常稟大閑自幸
有生逢

盛世敢云素志托蕭閒

和二弟璧山得家書志喜原韻

弟名玠建昌府文學

天際孤鴻至雲門遠信傳平安及母姪風雨慶時年歸夢
三春後鄉心夜月前怪他離別淚喜極復潛然

一片石題辭

脈脈驚魂散未收隨風還上舊粧樓休言家破身無主也
占名城土一邱

紅瑜牙板按宮商幾曲清歌足斷腸詞客不須嗟玉碎芳

魂久住白雲鄉

百年殘塚賸無多
四尺荒碑草一窩
何日章門維短櫂
寒漿冷酒酌湘娥

題畫

秋水澄空練餘霞
散落暉清閒輸白鷺
癯立竟忘飛

題山水圖

遠山青與近山連
野樹蕭蕭古路偏
日暮小橋無客過
一灣秋水自寒烟

偶成

種松苦難成
難成却耐久
莫作眼前思
但種門邊柳

寄女建姑兼柬堦張文涑

憶汝年方幼，遙憐性格偏。
微軀常進藥，薄襯晚加絛。
機杼勤拋月，窮通祇任天。
無違全婦德，勿愧古人賢。

秋柳

樓前曾記弄輕柔，宿露含烟翠欲流。
昨日西風今日雨，十分憔悴不勝秋。

一枝零落夕陽天，瘦影依依也自憐。
縱有長條堪繫馬，已無綠葉可棲蟬。

乍覺風流減細腰，寒蘆野水共蕭蕭。
行人莫恁輕攀折，千古傷心是斷條。

盱江舟中望鯤兒登從姑山極頂

疊磴危梯路百盤，蒼烟霧雜雲端癡。
兒不倦登臨興黃

葉秋風上戒壇

月夜懷弟

萬里憐吾弟，艱虞因此身。
青衿邀一第，白首痛雙親。
浪迹知何所，交情有幾人。
今宵相憶處，涼月白如銀。
自汝離鄉縣，頻年音信無。
遙憐身落泊，不復念妻孥。
壯志凌飛鳥，歸心警夜烏。
別來經十載，昨夢又模糊。

寄鯤兒

金風颯颯夕陽天，倚遍柴門望眼穿。
南極星辰尊一老，西園圖史集羣賢。
梧桐記閨垂陰密，菡萏迎秋出水鮮。
見說春臺山色美，莫耽雲臥負華年。
宜春臺在郡城

秋夜述懷再寄鯤兒

銀漢昭回夜空庭暑漸收腕消團扇力衣怯素羅秋爽氣
隨天盡疎雲帶月流無言成寂寞幽思上簾鉤

驚秋兼臥病形影自相憐清瘦殊如柳衰吟敢附蟬人情
甘淡泊俗事厭周旋小立西窻下愁心泣斷烟

夜深羣動息月影到簾時愛菊常看蕊憐松不去枝無營
如學佛多事是吟詩一逕尋秋意涼風冷透肌

逝水流光換餘生拙更勞盛衰安命數辛苦念兒曹夜色
侵書幌晨星動劍鞘題橋酬素志不負茂陵豪

三月晦日五十初度鯤兒偕姪曰灼女婿張文涑詣
莊稱觴潛然有作并哭亡兒日鯨

今朝春色去匆匆五十光陰一夢中人羨利名花上錦我

看毀譽樹邊風知非漸覺衰年近安命渾忘造化工多病
祇應拋世事憑欄終日泣飛鴻

此生因果靜中叅子死夫亡痛不堪緘口對人情獨苦冥
心度日意難甘祝親漫說籌添百爲子須知孝有三垂白
行藏真可歎千絲萬繭似春蠶

荆花庭院一枝摧物是人非實可哀兒女私情癡不斷死
生公案結難開空憐猛雨移春去可有明珠換夜來十九
年間惆悵事一時回首恨成堆

伯兄痛汝情無極老母思兒淚滿膺幾載功程成畫餅一
生事業付春冰祇圖榮祿光泉壤却被旁人說愛憎最苦
雪窻風雨夜依然大伏讀書燈

東山吟

泛宅東山下居然大雅堂
殷勤供井臼珍重侍春漿
熊膽文章窟雞聲薜荔牆
出門風景好喬木兩三章

昔道山川勝今來信有緣
雙溪斜抱戶一笏直撐天
樂志心常遠安閒性所偏
種花兼種圃雅不負林泉

初涉園林趣頽然百慮剛
曙光瞻北斗淑景湛東山
遠樹春烟亂高峯積雪頑
一行天際路蒼翠有無間

岸岸開阡陌村村入畫圖
小橋平架板矮屋細編蘆
野火看明滅山嵐倏有無
日高慵未起啼殺樹頭烏

畫長無一事也似在家時
老病經營少空疎得句遲
筍憐牆外玉霜感鏡中絲
兒婦知吾意茶烟鎮日隨

暮色催朝色心安卽境安
渾忘時序改祇覺水雲寬
遊筇看成竹寒流細作灘
呼兒共永夜詩卷足盤桓

題曾賓谷都轉西谿漁隱圖

西谿谿水遠西泔水淨沙明
遠岫青七十二峯都入畫
不從鄧尉乞山靈

溶溶脈脈夜潮生蟹舍漁莊
兩岸平劇欲誅茅谿水畔
凭闌好聽櫂歌聲

雨窻烟戶足清娛此意蹉跎
五載餘借得吾鄉工妙手
擘牋圖寫水雲居

圖爲分宜萬
殿卿明經作

木天學士愛清華花影依依
壓帽紗未許宅身幽邃境
祇應題作畫中家

吾亦南城古渡南雙姑擁翠托烟嵐披圖細認會遊處
髮
蘇麻源谷第三

余母家南城

李芹月

芹月字璧池臨川人直隸總督緞女孫工詩古文
詞適保寧太守蔡新儒子榮從宦遠游詩有江山
之助榮早卒矢志廢棄篇詠研究史鑑所著燬於
火僅存詩數章

過澠池縣

澠池好會憶當年擊缶彈琴豈偶然嶺樹蒸雲疑作雨溪
風激石亂鳴泉已悲遊旅歌三陟未息勞生卸一肩日暮
更投前路宿故園芳草夢魂

賦得風泉韻繞幽林竹

林下風來萬象幽，娟娟細篠漾清流。於今淇水猶垂釣，終古湘靈不浣愁。濕翠晨飛溥冷露，澄潭夕映澹新秋。碧山隱約烟光遠，暮雨瀟瀟響未收。

宿泮城

籃輿千里下夷門，故國山河蹟尚存。五代精靈憑草木，三川雲雨黯朝昏。春秋彭澤空回首，燈火樊樓易動魂。懷古思鄉兩行淚，離宮芳樹夕陽屯。

偃師題壁

西來行路正威遲，一夕秋風住偃師。此地空餘緱氏嶺，笙寒月冷有誰知。

李蔡月

蔡月字采池臨川人芹月之妹工書摹聖教序頗
得其妙適廬陵歐陽瑾子上愛瑾素工書總督倉
場時有乞書者輒令采池代之早卒

過蕪湖

輕舟渺渺下青徐
客裏河山縱目初
一片鄉心收不得
澹烟殘月照蕪湖

望小姑山

霧鬢烟鬟向此中
小姑風態爲誰容
何當覓得南崖路
測草巖花一萬重

閩肅英

肅英字端叔奉新人兵馬司指揮宋鳴珂嫡室

鍊石篇

吾聞女媧聖鍊石曾補天至今缺漏處五色相新鮮瀨靈
渾渾爾孰爲鑿之然揚烟誰氏廬選材何峯顛救敝當救
圓補物當補堅胡然秋空雨萬古猶涓涓神仙怪者說好
事愚者傳異論倘見訶請君觀斯篇

擬迢迢牽牛星

白榆種歷歷銀漢流浩浩嗟彼牛與女懷思獨無告七襄
不成匹佇立空自悼招彼南飛鳥以我舟梁造蘭闥露下
立仰首盼蒼昊蒼昊何肅清斯言不可道

織蘆篇爲潯陽女子作

七月蘆葦長八月蘆花白九月蘆葦黃黃滿川澤丁男
腰鎌出刈蘆日千百束堅摧爲薪擷勒織爲蓆織蓆編作
廬相將江上居江上誠可居刈蘆兼打漁江風起無時吾
廬常晏如江月照江水吾廬多清虛賣魚輒沽酒婦子相
嬉娛茲事樂復樂此外不願餘

春日臨黃庭內景經有悟

日高花影長春風不能剪玲瓏日未昃鸚鵡光愈顯絳雲
在天際與化自舒卷一寫內景經靈趣抑何遠真源湛內
照秘籙啟奧典中有不死庭舉世知者鮮放筆來雙鬢松
風熟魚眼

課兒詩

賢愚信造物補苴屬人工網以結乃漁稻以耘乃豐縹緗
吾家事稽古代所同不見華堂上九世膺殊封汝祖今達
人汝父文之雄流傳到爾曹當思紹家風清霜透簷隙時
令當嚴冬蘭缸凝暮紫榴榴煨深紅穿彼九曲力竟此三
餘功汝曹良不惡頭角均隆隆勿學苦叫喚等彼村兒童
會心元不遠淪泉由發蒙我生幸不頑寄情筆墨中汝父
客天涯汝學殊未充作詩當夏楚庶用鞭汝躬

昭君曲

玉顏已逐塵沙老青塚千年怨春草當時不自買丹青死
後何緣惜枯槁琵琶調好無睽隔漢使猶傳出塞拍長門
濕盡阿嬌衣秋雁一聲天地白深闈十五盈盈女不識黃

雲在何許譜得清聲不斷腸日高無人作新語豈知淒涼
未忍說青塚黃昏照明月

樓前曲

輕颺拂夢穿烟破玳瑁梁高燕泥蹀躞簾紋卷水收不得珍
禽微翻一花墮層樓梯空百餘尺交疏連錢屏白石西北
浮雲莫與齊東南日射天爲赤巨靈擘斷明星瘠幾疊冷
瓏當戶鄰古光貼地知川駛短翠入雲看樹直伯勞飛南
鴈飛北杏花深紅李花白藁砧得意應有無手扣刀鐙問
消息

題西湖士女圖

西湖一杯佳麗水葛嶺岩巒蕪雲起湖中七十紫鴛鴦飛

入平章高閣裏內家樓外紫雲騰湖上樓船正上燈鳳簫
象板紫玉筍芙蓉衣裳擔瑟瑟西海寧知玉兔微東方又
見金烏白豈知繁華有消歇歌吹聲中鞀鼓裂木綿菴冷
夜霜霏道路游魂汗青血白公堤前楊柳芳蘇公堤上花
枝長未將風味輪羅綺肯使凋零劇感傷至今游人如蟻
出畫船爲家花作室請君畫取杜鵑飛飛上高枝叫斜日

瓶花供大士

旃檀作諸佛諸佛留旃檀盥手繪大士大士居人間大千
世界無窮已大士不在畫圖裏一瓶一几一花枝以我供
心斯可矣

寄外

木落水微波秋風鴻雁過深閨理刀尺極目渺雲羅夫子
遠遊去高堂清夢多平安有消息早晚到烟蘿

古鏡

欵識迷朝代沈淪有歲年是誰淘撮土持以射青天一傍
妝臺久常扶寶髻偏殷勤閉螭匣莫更躍深淵

寄琬仙三姑隨任溫州

迢迢山與川異地亦同天得見常因夢相思動隔年赤城
霞氣外玉署晚風前覓得蘭江鯉瓊瑤莫吝傳

風吹柳絮篇同琬仙三姑涂蟾玉帥柔卿諸妹賦

芳閣吹春絮東風放曉晴不禁小淡蕩母乃太輕盈乍撲
簷牙入徐鋪徑而平此時翻似雪吟入謝池清

雲效李嶠咏物體

徘徊扶日近搖曳映空過
伴雨從龍急乘風翼鳳多
杜陵應有憶漢武獨高歌
看到無心處支頤意若何

借諸姊妹遊城東李園

白日照不入黃鸞啼得來
共穿一徑去正值萬花開
小婢莫頻折歸興休浪催
欲看斜照裏成錦復成堆

登鎖江樓浮圖

危磯迴望勢驚騰
更上浮圖最上層
江漢小從衣上抹
風雲依傍檻前升
諸天清梵難爲聽
五月高寒不可勝
我欲瑤池謁金母
好憑青鳥到崦嶒

春暮

楊柳陰陰入戶垂櫻桃結子滿低枝一百五日佳節過二
十四番花信移莫憎春暖春寒候正是鸞眠鸞起時梳罷
簪篦無一事呼兒開閣詠新詩

春夜聞笛

笛笛隨春風徘徊聽來久已見落梅花還聞折楊柳

對雪憶家

記得辭家桃正紅幾年朔吹憶歸鴻那能對雪不相憶詩
在湖家樓閣中

送夫子之吉安

吉陽江樹暮雲低白髮蒼蒼望眼齊遊子有方元不遠君
行只在大江西

師翰階

翰階字蘭娟奉新人家相女孫

臨高臺

我臨高臺古色萬里鴻鴈不來涼意在水苑苑者柳豈豈
者蟬時運回幹何爲其然我有素琴可以高張不諧里耳
宛焉襲藏盈尊之酒以待黃華桐陰之缺露秀其葩欲攀
姮娥倚桂問之果緣何道而有盈虧

雜詩

幼讀神仙書慨焉慕修齡流霞沆瀣飲石室琪花明行則
御六氣坐則吹瑤笙手把芙蓉花四時朝玉京素訣未得
授丹砂空復情且當養靈臺會見天雞鳴

種蘭在空山，灌蘭朝汲水。露華朝泠泠，蘭葉漸蕤蕤。花時
紛蔚茂，芬馥襲簾几。衆香一時低，素馨焉足擬。作詩以告
蘭，坐屢爲蘭起重。是王者香而在空山裏。

絡緯曲

過雨秋更清，少焉月東出。絡緯故催人，聲聲動蘭室。誰爲
弄杵機，終夜不勝悲。宛轉結愁緒，纏綿無盡時。

恭和家大人雨後看菊用淵明韻

雨過消餘蒸，雲移露遙嶺。及看籬下花，似逞霜前景。是時
已暮秋，悠然耐淒冷。聊持茗一杯，相對坐忘永。淡泊臨風
心，夷猶弄日影。幽芳是處佳，何必定遊騁。更誦淵明辭，逾

寶釵歎

鏤金壓髻盤鴉黃寶珠綴粟翹鸞皇流輝耀首錯明璫彼
姝藉色矜夷光烏輪長生兔魄死雄鳴墜墜雌靡靡寧甘
墜地化爲石不合生年爲女子弄持寶釵叩消息水珮霓
裳休借飾媧皇搏土散作人一御鉛華無氣力華星一字
千金價縷鳳雕鸞風在下寶釵擲地鏗有聲何如作賦餐
霞生

暮春曲

衆鳥啼殘新果熟楊柳陰陰一窻綠畫屏畫掩生色間新
篁解籜芳池曲蚨蝶翩翩迴舞輕落花委地都無聲捲簾
碎日覆棋局隔竹炊烟浮午晴山雲一片尙含笑杜宇數

聲啼夢醒春陽去擲不同顧白雪歌成心暗驚

重陽日登岐嶺

城南窮粵一千尺秋雲茫茫秋草白舉頭又見塞鴻飛落
木蕭蕭寒照赤登臨何事戲馬臺茱萸欲泛重陽杯溪北
溪南幾人醉山前山後黃花開蓼紅蘆白擔秋急茶鐺酒
幔牽風入俯瞰馮川卽逝波牛山豈獨能沾濕昔年曾此
一盤旋今歲重來豈偶然媿無詞賦酬佳節指點歸輿月
在天

題伯兄畫綠陰飛瀑圖

吾兄腕底懸飛瀑龍舞蛟盤響幽谷蒼茫四顧無人烟萬
綠叢深鳥相逐白日陰陰冷似秋涼風淅淅來修竹雲中

健鶻起凌亂巖上幽花散芳馥斯圖變化天機全跌宕淋
漓罄心目通靈妙意不易會直恐銀河翻尺幅

題儀真女史汪儀秋容八幅後

園林秋老寒風烈秋花憔悴看愁絕橫展八幅秋容圖恍
如天地迴秋節天機淡蕩真絕倫腕指所至疑有神花光
的爍映秋水寒蟲恍拂花間鳴儀真汪儀一士女能以丹
青作肴俎掩卷太息心茫然斯人斯人在何許

掃葉煎茶歌

天風蕭蕭木葉落離離是處盈邱壑掃將鹿跡試龍團遂
有澗聲鳴畫閣澗泉井泉一味煎魚眼蟬眼珍珠圓好傾
玉盞玻璃碧細詠蘭苔翳翠鮮

望西山

問道洪崖子乘雲自此間有天皆上界得爽是西山花有
六時雨鶴無千載還幾時足馭近細嚼篆文丹

夢得首二句續成

長立小樓前吟魂蕩曉烟水流還極浦草色又今年歷雪
經春後輕寒欲暖天幾時楊柳意青到酒旗邊

觀漲

樓暗雨來疾飄風衆鳥驚須臾成澤國河湫入山城蛟下
波逾急雲濃電更明晚來天欲霽虹影半空橫

賦得霞邊賣酒家

夕照天如醉明霞過酒家九光隨去鷁五色帶歸鴉却襯

青帘麗誰從白墮賒此時真若畫初月一鉤斜

夜看白菊

不採黃金種翻憐白雪英洛神垂珮重羸女弄珠明素色
月中稱無言籬下生此時人更澹山影極天橫

薄暮偕諸嫂姊妹步城至青雲樓

闕帶斜陽蘭閣侶衆芳樓從雲際出山到晚來黃絕檻
看鴉俯平川抱郭長言歸不覺暮橫樹月蒼蒼

秋夜

一片生涼月迎人獨倚欄秋高鴻雁落夜久水雲寒綺閣
疏猶白荷衣墜未殘西風能幾許吹得井梧乾

秋雨

小院黃昏雨，秋從枕簟生。
遙知馮水北，已暗越王城。
山濕
柳垂垂瘦，殘蟬故故鳴。
不須揮羽扇，漸覺御風輕。

初夏登縹緲樓和三嬪元韻

近夏黃梅雨，春寒黧未收。
奇雲不成岫，淺水暫迴鷗。
荷葉田田小，楊枝宛宛柔。
倚欄空睇盼，白雪竟難酬。

雨晴對園中草木

雨過物含態，雲開天淨明。
東風宜小圃，乳燕語春晴。
種樹書堪讀，離騷註欲成。
更無人去處，隨意紫苔生。

九日登樓晚眺

是日家大人與諸同人岐嶺游誌賦詩

雨餘秋似水，雲破日猶荒。
側想郊遊爽，遙知野菊黃。
地原留勝概，天與放清光。
縹緲城頭檻，閒凭送夕陽。

看河燈

寒月浸高樓繁星極浦浮偶然停野岸散去傍汀鷗不定
青蓮汎排成紫篆流
鮫人收不得一任夜珠遊

采菊和三妹鳳娟

莫愁秋便老猶有耐寒花此際臨風采無言壓髻斜盈筐
將散馥歸路不嫌賒忽見南山好淵明何處家

家大人偶檢故篋得舊畫芙蓉雀迄今已三十年矣
因裝潢成帙恭賦於後云

不老大椿色間情少日多畫圖秋自在歲月幾經過翠羽
師周昉銀鈎法永和併有題識至今花鳥興總博醉顏酡

題仇十洲調羹補袞圖

國朝畫手推前輩屈指丹青到十洲
畫向人間掃鷺絹更從天上繪龍樓
鹽梅手暖羹材重粉蒸晴薰日氣浮
自是六宮無曠職萬年玉帛仰宗周

小軒

涼颺有意飄蕭極籬菊無言慘淡開
遂有寒聲依繡閣偶外落葉點妝臺
滕王譜裏摹秋蝶銅雀池深注麝煤
亦有飛鳴雙皓鶴歸來履石啄蒼苔

賦得孤鶴橫江

紛紛木葉楚波秋一鶴橫空氣勢道
時帶白雲相滅沒影隨匹練共沉浮
可知緱嶺無凡骨未必瀟湘是盡頭
仙客夢迴天欲曉歸舟作賦大江流

奉和家大人看牡丹元韻

帶露迴風絕世姿，春深日暖正開時。
雕闌徙倚渾無事，幽苑濃香忽放枝。
越鄂棹迴歌擁袂，麗娟舞罷淡勻脂。
不妨茗碗長披對，幻盡空中色相奇。

小閣避暑

招得浮涼北牖前，蛙喧蟬靜夕陽天。
採蓮笑隔西溪女，牧笛聲歸古渡烟。
初月欲來風自至，疎蘿才映竹相連。
雲門雪磴知何處，自寫幽泉入素絃。

春日縹緲樓有懷大姊

時隨任浙江

欄干十二翠微間，楊柳東風碧水灣。
每憶舊時餘別恨，屢經芳歲損丹顏。
霞邊舟去馮川暮，嶺外雲飛越國還。
欲寄

鄉音憑雁翼，幾回惆悵淚潛潛。

冬曉

樓壁銀缸半，尙明穿簾碧。色曉猶輕，
鐘扣遠，殊未歇。東樹接天，相與清萬事，
欲隨雞唱動。層樓虛俯，曙雲平迥，看
院落梅花放。應着吟詩太瘦生。

春日和大嫂韻

垂地簾櫳春晝長，坐餘不辨衆花香。
鶯如蘇小歌金縷，蝶似翾風倚鈿粧。
萍葉細開芳沼曲，茶烟微颺鬢絲旁。
了無箇事酬風景，自手蘭亭寫研黃。

雁字恭和家大人元韻

振序排空一氣流，雲中高揭數行秋。
譯成科斗青霄迥，掃

罷龍蛇碧漢浮印落平沙留筆畫影穿寒月露鋒鉤無端
寫入天然妙江上蘆花亦掉頭

重陽小雨登樓

樓高百尺倚蒼穹極目欄干送逝鴻紅蓼岸遙人出沒黃
花香晚霧溟濛秋連平楚兼天暮地入寒山學畫工慢憶
春城好時節桃花村雨杏花風

漁歌

慣逐烟霞無是非雨晴長掛一蓑衣偶隨芳澤歌流水閒
裊餘音拂釣磯三泖湖洄蒼葭暮五湖空濶夕陽微此時
曲罷無人會自掉扁舟載月歸

綠陰

庭樹陰陰綠到衣
落花寂寂對斜暉
眠松白鶴明丹頂
隔竹青山隱翠微
蛺蝶舞餘蘿帶曳
子規啼罷葯苗肥
眠琴長晝得情性
千載司空識靜機

瓶中蘭桂

小庭金粟稱西風
不信幽蘭尚戀叢
同是與秋爲淡蕩
故應耐冷鬥姿容
折歸簾幙香難辨
供向粧臺畫並工
似聽月明湘珮返
霓裳看舞廣寒宮

奉和家大人千年松韻

草本似松而絕短
小俗呼千年松云
自衡陽來者
蓋岳頂石苔也

隨意黃磁白石栽
千年短翠受滋培
摩挲古意還堪想

像嘉名未易才石洞龍歸分爪
燕衡陽鴈過剩莓苔任教
風雨連天下難遣濤聲入耳來

擬杜工部九日藍田崔氏莊

主人逸興滿山堂幾處楓林澹着霜
一片寒原秋色老重陽賓雁楚天長
愁來作客金尊倒醉裏登臺白髮蒼
天地茫茫更何極玉峯藍水對傍徨

洗竹

琅玕萬个繞庭除密處剛來見碧虛
欲並羣花枝婀娜好招涼月影扶疎
風音靜送如敲玉盞跡間看似著書翠
滿淡烟時自鎖幾回題鳳意難如

哭伯兄

悲哉鴻鴈斷中宵子舍魂歸不可招忍對高堂枯淚眼可
憐令子尚垂髫二毛未見人何處半載空過夢亦遙一盞
涼漿傾注後迴腸欲絕恨難消

寒月和二嫂韻

白露橫空濕畫欄半林寒月漏初殘愁含短笛誰家院色
泛輕烟何處竿冷逼霜華駕瓦淨淡分梅影瑣窗寒清冷
只願長如此不下珠簾徹夜看

再哭伯兄

三十春光轉瞬間胸中無事不回環泛舟南浦渾如昨買
醉丹楓若等閒太息才華猶未達悲涼雲散莫能攀空更
書法王維畫縱使流傳淚亦潛

聞雷得春字

風雨橫空方夜半，雷霆出地已深春。
一聲羯鼓疑花放，數道金蛇掣電新。
遙想芳城衝碧草，軒然空谷警幽人。
陽和欲佈天膏渥，曉起微陰在遠津。

瓶梅得枝字

破臘不自意，當窻橫數枝。
凌寒衣袂舉，入座膽瓶宜。
靜女心多妙，仙人骨一絲。
揚州觀却月，灞岸客携詩。
香散黃昏後，姿含冰雪期。
爲憐清瘦骨，供向讀書帷。

暮春

堂堂春不住，片片逐花飛。
惟有紅襟燕，雕梁尙語歸。

夏夜

靜中娛竹籟暗，菱荷香涼氣先到。水月華初照，裳

春日

鳥語喚春晴，梨花落地輕。珍禽人不見，徧啄紫苔行。

月

一天風露白，清影薄秋幃。爲愛幽光好，更闌不掩扉。

煮茗

梅香欲雪天，無事汲寒泉。愛聽松風起，呼鬢掃葉煎。

尺木軒雜咏

結構一軒小，悠然天趣殊。竹扉兼荔宇，長對古人書。

尺木軒

澁簾滿四壁，徘徊玩不已。借問胡爲然，廬本蝸窠耳。

蝸窠寄廬

移燈照欄杆，芙蓉葉初吐。露魄猶未升，花梢滴殘雨。

曉月

水響魚吹浪池平月滿空
芰荷香暗度知是下天風

響魚池

養花閒汲水頻轉
轆轤索寄語妬花風
莫教朝暮落

養花處

畫心無盡頭
畫妙有聲響
最愛畫瀟湘
漁舟見三兩

瀟湘居

洗來新雨餘
踈散上東墜
夕陽偶然收
不見壁上跡

幽篁步

縹緲一飛樓
上有浮雲簇
雲起暗遙村
漁燈小於粟

縹緲樓

讀家大人李園詩因問昔時遊覽處

今日之詩如畫
東風洒徧林花
舊日之遊如夢
深闌幾度

韶華

不見瓊花好處
負他綵筆經過
屬目應勝屬耳
如今到底

如何

秋海棠

嬾逐東風桃李春秋花秋葉別傳神蒼苔翠石胭脂面露
重烟微畫不眞

亭院蕭蕭暑漸收海棠翻似不勝秋倩他別作幽閨賞任
汝芙蓉江上愁

買菊

菊花忽與暮秋期知向鄰園買數枝似帶縞衣青袂返可
憐顏色淡如斯

桃花

二月天桃爛已繁東風開遍小柴門縱教暗綠聽鶉語莫
遣飛紅斷蝶魂

送燈詞

燈事闌珊暗市城
送神短笛最關情
樓臺火樹笙歌院
剩有飛鳥徹夜鳴

一年勝事又無聊
月到中天夜色饒
乍似有聞還倚戶
不知今夕盡元宵

立春

彩仗初迴郭外人
年華又背苦吟身
銅鑪火暖荷柴爇
破雪衝泥草已春

閩柝

沉沉宵柝度蘭房
和月催烏起薄霜
三弄角聲連曉色
不知誰與朔風長

中元夜哭伯仲兩兄

自傷伯仲兩驚秋
吟盡蟲心恨未休
手挿返魂香又冷
魂歸何處月悠悠

一行雁斷難成侶
今夕中元更可哀
零落紙錢淒淡酒
不知真箇到泉臺

七夕

銀漢高懸秋欲深
仙槎浮月古猶今
不知誰得天孫看
取金盤水面針

千秋靈會定今宵
天上誰傳鵲有橋
海角淡雲催落月
雙星黯淡似無聊

早涼詞

風光欲老九秋天
冰簟生涼紈扇捐
曾是乍逢搖落處
飛

螢兼葉度窻前

涼到池荷更可憐
頓教憔悴半秋前
不如檻外芙蓉好
拂水臨風自鬥妍

吟哦獨自繞疎林
林外浮烟一徑深
樹杪殘蟬正愁絕
誰家又送搗衣砧

鎖魂不獨爲悲秋
轉瞬年華似水流
莫去倚樓閒縱目
大堤楊柳不勝愁

嚴氏

嚴氏分宜人適歐陽某某遠遊不歸作憶夫詩

憶夫

三春風色上愁顏
二十年來人未還
欲陟高岡愁我馬
雲

峯難作望夫山

破鏡何時許再圓
蓑鞋一去幾經年
南鴻北燕無消息
虛費香闌買卜錢

堂上椿萱白髮新
倚閭同望未歸人
爲郎甘旨辛勤奉
寸草何心不戀春

黃鶴年來慣獨飛
那知雲路故相違
如今薄命同秋葉
藥落辭枝不再歸

江西詩徵卷八十六